



Na temelju članka 3. stavak 2. Zakona o računovodstvu i reviziji BiH („Službeni glasnik BiH“, broj 42/04), a u vezi članka 11. Uputstva o osnovama i kriterijima kontinuirane profesionalne edukacije u BiH, Komisija za računovodstvo i reviziju BiH je, na sjednici održanoj u Brčkom, dana 22. 04. 2009. usvojila

KRITERIJE

za priznavanje stručnih časopisa za potrebe kontinuirane profesionalne edukacije
članova računovodstvene profesije

1. Sadržaj časopisa treba odgovarati sadržaju KPE profesionalnih računovođa, revizora i članova srodnih djelatnosti, što znači da svaki broj časopisa kumulativno treba uključivati oblasti:
 - a) računovodstva, revizije, financija i drugih s njima povezanih znanja;
 - b) organizacijskih i poslovnih znanja;
 - c) znanja i kompetentnosti u oblasti informacijskih tehnologija.
2. Izdavač časopisa treba osigurati kontinuitet izlaženja časopisa (najmanje 10 brojeva godišnje) koji će omogućiti blagovremeno prenošenje informacija potrebnih za računovodstvenu profesiju, a koje se odnose na zakonske propise iz navedenih oblasti.
3. Časopis treba biti prihvaćen od strane članova računovodstvene profesije što se potvrđuje brojem pretplatnika (minimalno 500 pretplatnika) i kontinuitetom izlaženja u razdoblju od najmanje tri godine prije podnošenja zahtijeva za priznanje.
4. Časopis treba biti tiskan na jednom od priznatih jezika u Bosni i Hercegovini.
5. Nakladnik treba podnijeti pisani zahtjev za priznanje časopisa Komisiji za računovodstvo i reviziju BiH, u kojem treba dokazati da ispunjava kriterije koji su propisani.

Obrazloženje

Odredbama članka 11. Uputstva o osnovama i kriterijima kontinuirane profesionalne edukacije propisano je da se članovima računovodstvene profesije, u okviru propisane forme kontinuirane profesionalne edukacije, priznaje edukacija u vrijednosti do maksimalno 8 sati na ime redovitog praćenja stručnog časopisa koji izdaju profesionalna tijela ili druge pravne osobe, a koji je odobren od strane Komisije za računovodstvo i reviziju BiH. Temeljem navedenog Komisija je utvrdila Kriterije koje treba ispuniti časopis da bi imao tretman stručnog časopisa koji se priznaje u programu kontinuirane profesionalne edukacije.

Predsjedavajući
Komisije za računovodstvo i reviziju BiH

Augustin Mišić

Mostar, 28.04.2009.

Broj: 62/09



Regionalni ured

Kneza Višeslava 77a, 88000 Mostar
Tel. 036/ 333 - 065